



● EDITORIAL ● RAL VENG TU ● CHHUNGKAW CHANCHIN

✚ MTC atanga B. Miss. zir chhuak hmasate degree hlan na

✚ Kristian Chhungkaw dinhmun tehnaa sang bial 10

✚ Nun dan - Mize tehna – Dan zawm

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD Newsletter

Volume XXVII

No. 356

E-mail : synodnews@gmail.com

MAY, 2013

PRESBYTERIAN ENGLISH SCHOOL ZIRLAITE HSLC RESULT A LAWMAM

* PES 91 zingah Class X thleng nei pasarih an awm a, HSLC exam-ten an pass vek

* PES neiten kohhran leh khawtlang tan kawng hrang hrangin tangkai hlein an hria

Mizoram Presbyterian Kohhranin zirna leh mihring nun siam puitlinna lama ke a penna chi khat Presbyterian English School (PES) chuan hma a sawn zel a; kum 2013 thleng hian Synod hriatpuia Bial leh kohhran mal enkawl PES 91 an awm a, chung zinga pasarih – Darlawn, Kawlkulh, Keifang, Khawzawl Vengthar, Saitual, Serchhip leh Zotlang chuan Class X thleng hawng tawhin kumin 2013 khan heng atang hian HSLC Examination-ah zirlai 134 an tel a, an vaiin an passed vek. An pass dan chu hetiang a ni:

Sl. No.	School hming	Exam zat	Distn.	I Div.	II Div.	III Div.	Pass zat	Passed 100-ah
1.	PES, Zotlang	31	0	7	16	8	31	100
2.	PES, Serchhip	28	5	11	10	2	28	100
3.	PES, Khawzawl Vengthar	27	3	8	9	7	27	100
4.	PES, Keifang	20	1	8	9	2	20	100
5.	PES, Darlawn	14	2	5	7	0	14	100
6.	PES, Saitual	7	0	3	3	1	7	100
7.	PES, Kawlkulh	7	1	1	4	1	7	100
TOTAL		134	12	43	58	21	134	100

PES hian zirna lama Aizawl khawpui pawn lama chêngte rualawhna a puhru chho zelah a ngaih theih a; thingtlanga sawrkar school tam zawkin HSLC result tha an neih theih tawh loh laia PES atanga HSLC exam zawng zawngin an pass hi thil lawmawm tak a ni a, Kohhranin mi rethei leh hausa kar zau zel tur a venna kawnga hma a lakna tangkai nia ngai an awm a, ram hmasawna tura Kohhran hnathawh (Contribution) pawimawh tak nia ngai pawh an awm.

PES te hi mahni intodelh tura beisei an nih angin mi mal school ang deuhvin heng school-ahte hian zirlaite atangin thla tin fee lak khawm a ni a; a neitu leh enkawltu Kohhranin emaw, Bialin emaw school mamawh lian tham deuh leina a tumpui ve châng a awm a, school building sak nan a tahtawlin Synod-in tanpuina a pe ve baw a, a bâk zawngah chuan mahni intodelhin an kal thei hlawm niin a lang. PES-a thawktute hian mipui mamawh puhrukna a nih hriain rawngbawlna rilru puin an thawk a, zirlai thiam theite chauh lâk ni lo mah se, zirtirtuten tawngtai chung a thahnemngai taka an thawh avangin hetiang dinhmuna hian an ding thei niah enkawltuten an ngai.

Kohhranin English Medium School siama hma a lak thar lehna hi kohhran tan phurrit insiamna tur nia ngai awm mah se kum 20 vel chhung hian mamawhna avanga din chhoh zel a ni a, Synod Education Board pawhin fel zawka kalpui a nih theih nan hma a la a; Synod Education Board hnuaia a enkawltu Committee hran siamin; Synod Office-ah heng school-te vil tur hian PES Supervisor of Schools dah a ni a, ani hian theih ang angin a tlawh kual thin. Kum 2011 khan

Kohhran leh khawtlangin PES atanga hlawkna an tel hriattir tura ngen an nih angin school 48-in zawhna siamte an chhang a; an hlawkpuiina langsar zual deuh nia sawite chu a hnuaia mi hi a ni:-

Kohhranin a hlawkpuiate

1. Bial/Kohhran tanrualna leh thawh hona tha a thlen a, a tipumkhat. Kohhran dinhmun a chawisang, rawngbawlna kawng hrang hrangah hma an sawn phah.

2. Naupangten school-ah Kristian nun dan tha an zir a, kohhran zia, nun dan leh kalphung an hriat phah a, Kohhran insawhnghehna kawngah a tangkai hle.

3. Kohhran member pawh an pun phah. Kohhrana tel ngai lo nu leh paten an tel phah. Kohhranin School-ah hian Kohhran hrang hrang naupangte an lut a, pawl dang leh Kristian ni lote hial pawh Kohhrana luh phah an awm.

4. School danga kalte aiin PES naupangte chu Biak Inah leh Sunday School-ah nasa takin thunun an awlsam zawk a, an nungchang a mawi bik. Kohhran thiltih an ngai pawimawh a, Biak In an ngaina a, Bible an ngaina baw. Kristian ze dik leh Kohhran kalphung an phak tawkah an hriat phah.

5. School-a Moral Education zirtir hi naupangte tan a tangkai hle. Thu leh hla (Solfa) lamahte hma an lak baw avangin zirlai eng emaw zatin solfa an thiam phah a, chu chu Kohhran tan a tangkai hle.

6. Thilpek lamah Kohhran mipuite a titang a, Pathian ram leh thilpek dangah pawh hma an sawn phah a.

7. Fate enkawlina kawngah nasa takin nu leh pate an tang harh thar. Chhung Inkhawm nei pawh an pun phah.

Khawtlangin a hlawkpuiate

1. Khawtlangah zirna kawnga inelna tha leh hmasawna a thlen. Faina kawngah leh thing leh mau humhalhna kawngah te School lama inzirtirna leh Social Service tha tak a awm thin avangin kawtlangin an chhawr a, kawtlai vawn faina kawngah leh hawihhawmna kawngah PES naupangte

phék hnihna thlûr hnihnaah zawm a ni

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlechungnunga (KCN)

Editorial

Hawihhâwm tih hi phungthlu kan tihte leh chêt dan mawi kan tihte nen aumze thuhmun a ni kan ti thei âwm e. Hawihhâwmna hi kan ni tin nuna kan mamawh em em reng a ni a. Thawh ho leh nun ho tinuamtu a ni a. Tirhko Paulan, "In aum dan chu Krista Chanchin Tha nen inmaui phawt rawh se," a tih leh Mizovin 'tlâwmngaihna' kan tihte nen pawh hian a inzûl thui viauvîn a lang. Mi dang tâna kan hnawksak loh nan tawng leh chetziaa hawihhâwmna kan lan chhuahtir thin a pawimawh em em a ni.

Hawihhâwmna kan lan chhuahtirna tur tam tak sawi tur a aum thei ang a, chung zingah chuan heng pathumte chauh hi han sawi ila -

Pakhatnaah tawngkam tha kan uar a tul. Heng - 'I dam em?' 'Khawngaih takin,' 'Ka lawm e aw,' 'Khawi lamah nge?' han tih te hi tun ai hian kan uar a tul khawp mai. Mizo upaten 'tawngkam thain sial a man' an tih hi i hre reng ang u.

Pahnihnaah chuan, motor khalhtute hian hawihhâwmna hi kan tlachham hlein a lang. Mahni hma kan sial lutuk avanga lirthei chawlh ngai khawpa inhnauh tâwt (jam) kan siam pawh a aum fo. Khawpuiah phei chuan traffic police te ngaihchân thiam a tul hle. Tin, motor atanga chil, tuibûr, sahdah, kuhva chhâk te leh thil eina kâwr paih mai mai te hi sim a tha hle. City Bus leh Taxi driver te tân phei chuan smart taka incheia motor khalh hi a inhmeik bik a; conductor fel tak tak an aum laiin thenkhat chu passenger-te laka hawihhâwm nachâng hre lo an ni. Aizawl khawpui chhunga zan rei lama Bike-a ring tak taka tlan chinghote hian damlo, nautê leh lung lam tha lote tan harsatna an siam tih an hriat a tul hle bawh.

A pathumnaah chuan, gas laknaah te, ration laknaah te, inentirna lamah te leh intlar ngaihna chi hrang hrangah te hawihhâwm a pawimawh a. Mi aia pawimawha inngaiha hmanhmawh vak mai a awl hle thin, mi tin hi mahni kan inngai pawimawh ber theuh tih i hre reng ang u.

phek khatnaa mi zawm...

chu hma hruaitu an ni a, bawhlhlawh a bawma paih nachang an hriat phah ta. PES School naupangte hian Vantlang thil pawisakna leh dim nachang an hre bik bawh.

2. Khawpuia kal kher ngai lovin veng chhung leh veng thenawm a mi harsa, inhlawh chawpte thlang pawhin English Medium School-ah an fate an zirtir ve thei.

3. Veng chhung mi eng emaw zat school-ah an thawh avangin eizawna lamah khawtlangin an hlawkpui bawh.

4. Zirlaiten an thiam ang angin English an hman ngam phah a, School naupang nu leh pa tam takin rual elna an neih phah a, chu chuan hmasawn zel duhna hring chhuakin khawtlang than zelna kawngah inpumkhatna leh inlungrealna a siam. Khawtlang boruak pawh a tha lamin a nghawng. Khawtlang a timawi a, a tipumkhat.

5. Zirma kawngah te, aum dan mawi lantirna kawngah te PES zirlaiten hi hmahruaitu leh entawn tlak an tling a, kawtlangin hma kan sawn phah hle. Aia upate zahna kawngah kan zirlaiten hi an entawn tlak bawh. Chung bakah khawtlanga sualna chi hrang hrang lakah PES zirlaiten hi an fihlim hle a ni.

6. Sawrkar ni pawimawh Independence Day ah te leh vantlang ni pawimawh dangah te an discipline a entawn tlak. Kohhran School a co-curricular activities-ah hnam lâm te, zawhna inchhan siak (quiz) te a tel a, thil tam tak thiam an neih phah a, hei hian khawtlang an chawimawi hle.

7. PES atanga pass chhuakte hi an zir chhunzawmnaah dinhmun sang an luah zel a, hman tlak tak tak an aum chho mek. High school section hawn lohnaah pawh PES atanga zir chhuakte hi Govt. High School-a HSLC result tihtatute an ni a, khawtlangin HSLC result tha tak an neih phah thin. HSLC-a First Division-a pass nei thei ngai lo khan tunah chuan an nei ve ta fo mai.

8. PES hi khaw khata School tha bera ngaih a nih avangin School dangte pawhin kawng hrang hrangah an entawn a, khawtlang pawhin rinna an ngat sang hle a, inelna tha pawh a siam. Hei hi khawtlangah pawh fak an hlawn a ni. Kohhran School-ten inthununna an kalpui dan hian school dang pawh a tiang hle.

9. PES school naupangte hi sualna chi hrang hrang - rukruk, dawt sawi, thu awih loh, ruihtheih thil chin rûk etc.-ah te an fihlim bik em em a, fak pawh an hlawn. Hei hian Kohhran School hi khua leh tui tha chher chhuahna tangkai tak a nihzia a lantir.

Thu lakna: PES Supervisor of Schools-te

NUN DAN

MIZE TEHNA - DAN ZAWM

Ram changkang deuhvah chuan sawrkarna siamtu tur ram hruaitu inthlan dawn hian, party hotu lu ber emaw, President leh Prime Minister ni tura ngaih emaw te nungchang leh mize teh nân hun kal tawh lama khawtlang leh ram dan an pawisak leh pawisak loh an chhui kir thin a, lir thei khalhtute zawm tur dan (Traffic Rules) bawhchhiain man leh hrem a lo ni tawh thin em, tih nen lam an chhui thin. Chu chuan eng ang mize pu mi nge an nih finfiah tha tâwk khatah an ngai a ni âwm e.

Mihring hi mahni hmasial, kaihhrui ngai kan nih avangin vantlang nun honaa aum dan tur te, khua leh tui thate nun dan tur te, mahni chauh inngaihtuah lova mi dangte pawh ngaichanga inrem taka nun ho dan tur te, mi tin thlamuang tak leh hlim tlang taka an aum theihna tur te ngaihtuah inkaihhraina siam a ngai thin a; chumi siam tur chuan thu neitu tur, ram hruaitu kan thlang thin a ni. Ram changkang apiangin dan an nei tha a, an lek kawh tha a tih theih; a lehlam zâwnga sawi chuan dan nei tha leh lek kawh tha apiang an changkang pawh a tih theih bawh ang.

Mi rinawm leh rinawm lo te, rin tlak leh rin tlak lo te teh nana dan an pawisak dan hman hi thil tih âwm tak a ni. Kohhranin dan leh inkaihhraina kan neih kan zawm dan atangin mi tinin mahni nun leh mizia pawh inteh thin ang u.

Hetih lai hian thu neitute pawhin an mawhphurhna hlen tur an nei. Dan neih tawhte a tul ang zela enawna siam that zel te, dan siamte chu lek kawh that a nih leh nih loh en fiah te a ngai. Dan siam hi lek kawh that a nih si loh chuan dan zawm lotute an huangtau va, dan zawmtute an chêt a; chutiang dinhmuna chuan dan zawm chu mahni inhremna mai maiah mipuin an ngai a; thil nih tur anga ngaih ni lo leh ni lo tur anga ngaiha thil kal ta zawk a tam a, mumal lohna a thlang thin. Dan hi Bible pawhin a ngai pawimawh a, "Thlarau lam thil a ni tih kan hre si a," a ti hial a ni - HR.

MSSU HRIATTIRNA

Mizo Sunday School Union-in Pathian Thu Exam (2012) a buatsaih result leh lawmman peih fel a ni tawh a. Result leh lawmman la la lo Bialte chuan Sunday School Department, Synod Office-ah lam tur a ni e.

Sd/-

Executive Secretary

i/c MSSU etc.



Mite chuan, “Râl Vêngtu, tun tum chu lehkhah chhiar pawimawhna lam hawi zâwnngin thurâwn min han pe teh,” an ti a. Râl Vêngtu chuan, “A va lawmawm em! Hei hi in harhna tur dik tak niin ka hria. Tunlaiah hmuhna leh ngaihnawm a tam tak avang hian lehkhahu chhiar lamah in tlahniam nasa rêng a ni.

“Hmân aţang tawh khan mi thusawi tha tak tak in ngaitlha thin a. Kum te a lo vei a, Camping leh Crusade-te in rawt leh ringawt thin a. Bible in chhiar tlem si, thlarau lam nun chawm thei lehkhahu tha tak takte leiin lo intichak thar thin ta che u. Austin Phelps-a chuan ‘kawr hlui ha la, lehkhahu thar lei rawh’ a ti asin.

“Thuhriltu thenkhatte lah hian inchhiar zau tum lovin a thing an her lum leh ringawt thin a. Pathian mi hman tak takte thuziak te hi han tar lang zauh thin se mipui pawh an muthlu lo tur a nia. Inchhiar zau deuh thusawi leh inchhiar zau lo thusawi chu a tlak that dan a dang tawlh tawlh ang.

“In tu leh fate pawh hi cartoon entir mai mai lovin Bookroom-ah te hruaiin an lawm zâwnng leh ngaihnawm an tih tur zâwnge leisak ula, lehkhahu an kawm ngeih dawn alawm. An zirlaibu chauh thiamtir in tum chuan a fuh lo vang.

“Nuho lah hi secondhand lei nana chêng zanga an hmuh têt tehlu nen, lehkhahu lei nan chuan chêng sawmnga pawh an hmu lian viau lawi si a. Mi thusawi aţang chauhva chaw lak tum lovin, Bible leh lehkhahu tha lo chhiar tam ula, chûnge chuan in thlarau nun lo tichak thar thin rawh u,” tiin thurâwn a pe a.

Mit khap nachang pawh hre lo lêka an ngaihlthlak hnu chuan an tîn ta a.

COUNSELLING MAMAWHTE TAN

Mi mal, nupa, fanau, chungkua, nulat tlangval, ringtu nun, etc.-ah harsatna i neih chuan Family Guidance & Counselling Centre pan thin la, an lo tanpui ang che. Telephone leh internet hmang pawhin biak rawn theih an ni.

Main Centre : Mission Veng, Aizawl.
Ph. (0389) 2324443
Branch Centre : Chanmari, Aizawl.
Ph. (0389) 2306693
e-mail: synodfgcc@gmail.com

PBS GRADUATION SERVICE VAWI 27-NA

Presbyterian Bible School chuan April 25, 2013 dar 1:00 p.m. khan Pi Zaii Hall, Synod Conference Centre-ah Certificate in Theology session 27-na zir chhuakte hnena Certificate hlan inkhawm (Graduation Service), a buatsaih a. Session 27-naah hian mi 46-in tha takin an zir chhuak a ni. Inkhawm hi Synod Moderator Rev. Lalramliana Pachuaui-in kaihruiin hunserh a hmang a, Rev. C. Sanglianan Presbyterian Bible School-a thawktute, Board member leh zirlaite inhmehriattirna hun a hmang a, PBS Principal in-charge Rev. H. Biakthansangan report a pe baw. Synod Moderator Rev. Lalramliana Pachuaui-in zirlai pass chhuakte hnenah certificates a hlan a ni.

Graduation Service-ah hian Rev. P.C. Pachhunga, Executive Secretary i/c PBS in thuchah a sawi a, Synod Secretary (Jr.) Upa H. Zollian exam-a ti thate leh class kal kimte hnenah lawmman a hlan baw. Board member Upa F. Lalthianghlman fuihna thu a sawi a, zirlai aiawhin thusawi a awm baw.

Presbyterian Bible School hi kum 2004 May thla aţangin tan a ni a, heta tanga zir chhuakte hi rawngbawlna tangkaiah an inhmang zui hlawm a, Missionary leh Social Worker-a tang zui eng emaw zat an awm a, B.Th. leh BD zir zawm pawh thahnem tak an awm tawh a, Synod Revival Speaker zinga tam takin heta tang hian Pathian thu an zir chhuak tawh baw a ni.

ATC HRIATTIRNA

Aizawl Theological College Durtlangah Assistant Librarian, contract a thawk tur duh a ni a, 31st May, 2013 hmian a hnuaia hming ziak hnenah hian dilna theh luh theih a ni.

Hnahming : Assistant Librarian
Post zat : Pakhat
Dil thei chin : Theological Graduate,
Lib. Sc. degree nei (university recognised),
Computer thiam. Kum 18 aţanga kum 35 inkar.
Interview hun : 7th June, 2013, Dar 11:00 a.m.
A hmun : ATC Committee room

(REV. PROF. VANLALCHHUANA WMA)
Principal

SYNOD HOSPITAL, DURLANG FEBRUARY, 2013 CHHUNGA THILPEK DAWNTE

I. CHARITY FUND

1. Lalhuliana, Champhai Vengthlang	Rs. 10,000/-
2. Pu Lal Thanzara, Zarkawt	Rs. 50,000/-
3. Mizo Hmeichhe Inkhawmpui Lian	Rs. 2,31,758/-
4. Upa K. Zakamlova, Pharmacist	Rs. 2,000/-
5. Hnahlan Pastor Bial Kohhran Hmeichhia	Rs. 1,000/-
6. East Lungdar Kohhran Hmeichhia	Rs. 1,000/-
7. Ngumunsangi Sailo, Kanan Veng	Rs. 500/-
8. K. Lalpiangthanga, Zemabaw Kawn Veng	Rs. 10,000/-
9. R. Hmingthansanga, Mission Vengthlang	Rs. 10,000/-
10. Manikbond Bial Kohhran Hmeichhia, Manikbond	Rs. 2,000/-
11. Lianthangpuia, Saitual Chhim Veng	Rs. 4,000/-
TOTAL	Rs. 3,22,258/-

II. THISEN PETE

	UNIT PEK ZAT
1. KTP, Tuikual South Branch	23 Units
2. KTP, Thuampui Pastor Bial	48 Units
3. KTP, Zemabaw Pastor Bial	84 Units
4. Sihphir Branch YMA	77 Units
5. KTP, Sateek Pastor Bial	78 Units
6. KTP, Darlung Pastor Bial	40 Units
7. KTP, Chhinga Veng East Branch	32 Units
8. Synod Hospital Taxi Stand Welfare	12 Units
TOTAL	394 Units

III. THILDANG PETE

1. Pu Lalriniana, Kolasib Venglai (A fapa Remruatfela hriatreng nan)	Nebulizer 1
2. Pavalai Pawl, Selesih Kohhran	Hmunphiah 60
3. Tuithumhnar Pastor Bial Kohhran Hmeichhia thahnem tak	Hmunphiah
4. Kanhmun Pastor Bial Kohhran Hmeichhia 105 & Water Filter 2	Hmunphiah
5. East Phaileng Pastor Bial Kohhran Hmeichhia	Rs. 5,000/-
6. Serchhip Vengchung Pastor Bial Kohhran Hmeichhia K- ward tan	Rs. 5,000/-
7. KTP, East Lungdar Branch thahnem tak	Swabstick
8. Hnam Chhantu Pawl	Hmunphiah 50
9. Durtlang Pastor Bial Kohhran Hmeichhia Home tan mitthi tuamna puan	Grace
10. Pavalai Pawl, East Phaileng Kohhran	Hmunphiah 50
11. Darlung Pastor Bial Kohhran Hmeichhia thahnem tak	Hmunphiah

Khawngaihna leh duhsakna avanga kan Lalpa Isua Krista hminga thilpek min petu zawnng zawnge hnenah kan Lalpa Isua Krista hmingin lawmthu kan sawi tak meuh meuh a ni e.

Sd/-
(REV. C. LALBIAHLUNA)
Chaplain,
Synod Hospital

TANPUINA PE: Mizoram Presbyterian Kohhran Synod-in Saikhumphaia in leh lo chante hnenah tanpuina a pe a; tanpuina thilpek hi Rev. Vanlalzuata, Sr. Executive Secretary leh Upa F. Lalremthanga, Co-ordinator-ten a hmuna kalin May 4&5, 2013 khan an han hlan a ni.



Kolasib Saidan Kohhran chuan April ni 8 - 20, 2013 chhung khan Pu Laltindawla, Speaker, Pathian Thuruk Enkawltu Team ruaiin camping chhawng li leh naupang lang camp an buatsaih a. Camping-ah hian mi 191 riak lutin Kohhranhoten Pathian khawngaihna an chang a. Kohhran leh khawtlang boruak a nuamin an hlim hle a ni.

Zokhawthiang Kohhran chuan March ni 26, 2013 atang khan Pu C. Lalenga speaker-a hmangin camping an buatsaih a, campers 75 zingah pawl dang mi 10 an tel. Inkhawm ngai loten Biak In inkhawm an ngaina thar a, Biak Inah an leng lo hial thin. An kohhranah hian harhna nasa tak a thleng a; Good Friday-ah vawk thau tak talhin ruai an theh nghe nghe.

MANIPUR-AH MPSGAAU HAWN A NI TA

PCI General Assembly Office-in a lo ruahman lawk angin April 21, 2013 khan Meitei Presbyterian Singlup General Assembly Administrative Unit (MPSGAAU) chu PCI General Assembly Moderator Rev. S.I. lawphniaw-a'n a hawng. Hei hi Synod ni tura buatsaihna a ni a; PCI General Assembly-in a enkawltu tur, Administrative Officer a la ruat dawn nia thu dawn a ni.

Meitei Presbyterian Singlup General Assembly Administrative Unit (MPSGAAU) hnuaiah hian Presbytery pali, Pastor Bial 12, Tualchhung Kohhran 51, Preaching Station 16, Fellowship 18 awmin Kohhran Upa 46 an awm a. Kohhran Dan zawh kim 5,065 an ni a; Kohhran member zawng zawng 8,536 an ni.

ATC VALEDICTORY SERVICE

Aizawl Theological College chuan April 23, 2013 khan Pathian thu zir chhuakte thlahna inkhawm urhsun takin an hman. He hun hi Rev. Prof. Vanlalchhuanawma, Principal-in a kaihrui a, Rev. Lalramliana Pachuau, Synod Moderator-in thlahna thuchah a sawi. Heng Pathian thu zir zo thlah takte hi M.Th course-ah mi 16 leh B.D course-ah mi 23 an ni a. Hlawhtling takin an zirlai an zo hlawm a ni. Principal-in inthlahna hun a buatsaih a, Synod Choir an zai baw. Rev. H. Lalrinmawia, Synod Secretary-in lawmman chi hrang hrang a sem a, Theological Education changtu Executive Secretary Rev. Lalzuithang Certificate a sem thung. Seminary puitling programme a nih angin hla chham mi nen zel hun tin hi urhsun taka hman a ni.

B. MISS. ZIR CHHUAK HMASATE DEGREE HLAN AN NI

Missionary Training College atanga B. Miss. zir chhuak hmasa ber, mi 13-te degree hlanna inkhawm (Graduation Day) chu April 18, 2013 khan Pi Zaii Hall, Synod Conference Centre-ah hman a ni a; Kohhran aiawha he hun hmanpui tura sawmte, Minister/Pastor te leh mi sawm dangte an kal tha hle.



Graduation Service hi Rev. K. Lalrinkima, MTC Principal-in a kaihrui a, Synod Moderator Rev. Lalramliana Pachuau-in thlahna thuchah a sawi a, Rev. Vanlalzuata, Senior Executive Secretary-in zirlai kal chhuak turte hnenah Certificate a hlan. Rev. Lalchhuanmawia, Synod Mission Board Secretary-in zirlaite inpek tharna (act of commitment) hun hmangin Mission Vengthlang Pastor Bial Zaipawl an zai a; Faculty, Student Body leh zirlai kal chhuakte hnen atangin thu sawi ngaihtlak a ni baw. Rev. Prof. Vanlalchhuanawma, MTC Managing Committee Member-in Malsawmna sawiin hun a khar a ni. Tun tumah hian zirlai ti thate hnenah hetiang hian lawmman hlan a ni :

- | | | | |
|-----|-------------------------------------|-----------------------|-----------------------|
| 1 | Best Student Award | : | H. Laldinpuia |
| 2 | Academic Excellence | : | Mumfort L.Z Sailo |
| 3 | Biblical Studies | : | F. Lalpianluanga |
| 4 | Theological Studies | : | Mumfort L.Z Sailo |
| 5 | Religion and Socio-Cultural Studies | : | Mumfort L.Z Sailo |
| 6 | Mission and Evangelism | : | Mumfort L.Z Sailo |
| 7. | Proficiency Prizes : | (1) K. Zirsangzuala | (2) Lalawmpuia Lungen |
| | | (3) Mumfort L.Z Sailo | (4) H. Laldinpuia |
| | | (5) Kenny Lallawmawma | |
| (6) | Vannnunmawii | | |

Missionary Training College hi kum 1978 khan Missionary Training Department tiin Aizawl Theological College-ah bul tan a ni a. Kum 1996 khan a hranga awmin Missionary Training Centre tih a ni ta a. Kum 2010 atangin B. Miss. kum thum course hawn tan a nih avangin College-ah hlan kai a ni a; tunah hian B. Miss. zirlai 44 an awm mek. Missionary Training College hi Senate of Serampore-in pawmin affiliation a pe tawh a; tunah hian B. Miss. bakah missionary training chi hrang hrang kalpui mek a ni.

KRISTIAN CHHUNGKAW DINHMUN TEHNAA SANG 10 (PASTOR BIAL ZELIN)

Sl. No.	Bial hming	Kohhran zat	Chhungkaw zat	Ni tin chung inkhawm & p.c	Buhfai tham tham zat & p.c	Total
1.	N.E. Khawdungsei	4	554	547 = 98.74	554 = 100.00	198.74
2.	Dawrpui	3	1176	1098 = 93.37	1176 = 100.00	193.37
3.	Ngopa	4	720	641 = 89.03	720 = 100.00	189.03
4.	Ramhlun North	3	1345	1185 = 88.10	1345 = 100.00	188.10
5.	Mission Vengthlang	3	1007	867 = 86.10	1007 = 100.00	186.10
6.	Tuikual	3	1096	917 = 83.67	1096 = 100.00	183.67
7.	Venghnua	4	987	826 = 83.69	981 = 99.39	183.08
8.	Phainuam	4	120	98 = 81.67	120 = 100.00	181.67
9.	Vairengte	6	899	783 = 87.10	848 = 94.33	181.43
10.	Zonuam	3	692	561 = 81.07	685 = 98.99	180.06